

Tanna Island Court - Isangel

21 Apr. 1986

Bef. : Issua Sam : H. David : T. Naprape

Clerk: J. Garae

Police L. Pros : Sgt. T. Seru

Kes No. TIC CR.26/86 : Accd 1 - Nase Raymond

3 - Merelyn Ipae

Plea : 1. Yes i true

2. Yes i true

Prefacts: Komplen from Mrs Raymond Nase se bitwin 1st Feb. '85 no 30 Sept. '85, emi luk tu accid ia ibin stap live tugota long Isangel. Emi mekem ripot ia from tufala, em weten Nase tufala i maret long church, and emi stap lavem R.Nase yet. Emi traem ol rod long kastom mo church blong tekem bak husband blong em, be R.Nase ino wandem, and emi putum mata ikam long lo.

Mrs. Nase i karem strong tingting se tufala i mekem trabol from tufala ibin stap live tugota long Isangel and emi filim se fesen ia i agensem lo mo church. Nase mo Mrs. Nase tufala i maret long Presbyterian Church long Whitesands long 23.1.81, and emi conducted by Pr. Kessai Meake. And maret blong tufala i registered. And wife i mekem report ia weten tingting se R.Nase hae iko bak long em.

R.Nase i mekem statement and inside emi adaitim se em weten wife blong em tufala i maret true. Afta tufala i maret tufala i gat wan song, and afta son i born, wife iko tekem pills without save blong em and wife istap talem long ol nara woman se bae emi no save karem wan pikinini blong em bakeken. Fesen ia nao i mekem em, Nase ino wandem woman blong em. Emi talem se long kastom oli tok bout and R.Nase i talem out se emi nono wandem woman blongem.

Long statement blong Merelyn Ipae, emi talem se emi bin stap wok long Vila olsem house-girl, and taem R.Nase ikam long Vila and emi talem se bae mi kam luk em long Isangel. Emi save se R.Nase emi maret, and se R.Nase emi lego fes wife blong em finis from emi no wandem karem pikinini blong em bakeken.

Accd 1 - States:

Yes i true se mitufala i maret long church and main reason blong beko em, wife, from emi no wandem karem pikinini. Taem mitufala maret finis, wife i say bae emi no karem pikinini and emi stap kare stick no pills. Mi cross tumas from ol boy oli maret bihaen long mitufala oli kat 2 or tri pikinini be mitufala wan nomo and mi askem wife se olsem wanem be emi say emi no save. Mi pem ol bipol i mekem kastom medesin blong emi karem pikinini be nogat. Afta mi ko long hospital no askem help, nao olgeta i talem sot long mi se wife ino save gat bell from emi tekem stick no pills. And ol wara reason blong leko wife from se; emi say emi kat wan boy blong Loulou finis; wan boy ibin faetem mi from wife; mi talem long ol kastom miting no church se mi lego wife; and taem mi stap wetem Cheryl ol jif i sendem toktok igo long Whitesands blong ol jif oli kam mitufala i stretem problem ia be olgeta ino kam. Mi bin askem divorce long church be olgeta ino save allow, be mi save maret bakeken long kastom.

Accd 2 - Mi folem R. Nase from emi say emi lego wife blong em finis.

Ante. - Tugeta Nil

Judgment : ACCD 1 -

Fasen we yu mekem ino stret nating from ino gat lo blong divorce yet and Aelan Kot emi aplaem lo we istap, and Aelan Kot emi no blong breken ol marrigge. Yu mas stap bakeken wetem wife blong yu. So yu fine VT9,000, and VT3,000 long em igo long Mrs. Alice Nase. 9 weeks I.D. Pay before 28.4.86.
Yu gat 30 days blong Apil igo long W/Court.

Accd 2 :

Yu tu i rong blong go slip wetem wan maret wan. Yu fine VT5,000, and VT2,000 long em igo long Mrs. Alice Nase. 5 wks I.D.
Pem bifo 21 May 1986.
Yu gat 30 Days blong Apil.

